

Ленинэнь киява

ВЛКСМ-нь Мордовской обкомонь ды Саранскоень ошонь комитетэнь газетаст

ВЕСЕ МАСТОРТНЭНЬ ПРОЛЕТАРИЙТНЕ, ПУРНАВОДО ВЕНСИ

СЕНТЯБРЯНЬ

26 чл,

1937 ие

№ 110 (789)

ЛКСИ: 7-це ие
чинь ютазь

СЕХ ВАДРЯ КОМСОМОЛЕЦТНЭНЬ—ПАРТИЯВ!

Большевизманть основоположиктне, минек партианть вождтне ды организатортне Ленин ды Сталин а весть тешкстизь пролетарской революционной движениань теветень од ломантнень пек покш значенияст.

„Эривить од вийть,—сермадсь Ленин 1905 иестэ.—Мон бу меревлинь прямо сеске жо леднем сэтнень, кить эстет позволят кортамс, што ломанть арасть. Россия-со ломантнеде пек ламо, эривансяк келейстэ ды седе смелстэ, седе смелстэ ды келейстэ, эщо весть келейстэ ды эщо весть седе смелстэ вербовамс од ломанть, сынст эйстэ апак пеле. Шкась военной. Од ломантне пеле-пепачтасызь весе бороцямонть молеманзо, студенческоеьскак ды сех пек робочей од ломантне. Ертынк неподвижностень чинопочитаниянь ды ташто весе лия привыкатнень. Од ломантнень эйстэ пурнадо впредовцевонь сядот кружокт ды сынст поощряйте роботамо весе вийсэ. Од ломантнень примазь комитетэнь келейгавтодо колмоксть“...

Минек шкастонть социализмань масторонть икеле молиция од ломантне пурнавозь ленинской комсомолонть рядтнэс. Секс большевистской партиас эсь рядтнэс од ломантнень прими васняк комсомолонть. Сталин ялгась мерсь, што „од ломантнень коммунистической союзось—резерв, робочейтнень ды крестьянтнень эйстэ резерв, косто партиас сайни пополнения“.

Улемс Весесоюзной коммунистической (большевикнэнь) партианть рядтнэс—сех покш честь комсомолецэнь туртов!

Ломанть, конат достойнойть те честентень, комсомолсонть аволь аламо. Колмошка ководо теде икеле партианть Центральной Комитетэсь тейсь специальной решения ВКП(б)-нь рядтнэс комсомолецтнэнь вовлечениядо. Кемемась, конань ВКП(б)-нь Центральной Комитетэсь оказал од ломантнень, кастынзе мелест сынст сех паров представительтнень. Меельс кавто—колмо ковтнэнь перть партиав рекомендовазь ды примазь икелень пель иетнень коряс пек седе ламо комсомолецт. Неть—большевистской выучкань од ломанть, конат непримиримо ветить бороцямо народонь врагтнэнь каршо, весе оймесэст, весе чувстваст преданнойть ВКП(б)-нь Сталинской Центральной Комитетэнтень, тевсэ невтизь эсист анокист максомс робочей классонь теветень, пролетарской революциянь ды мировой коммунизмань теветень весе эсист виест, весе эсист способностест ды, бути эриви, весе эсист верест, петнявкс петнявкс мельга. Варштадо комсомолецэнь-пограничникенть Павел Дудинэнь лангс, кона кедьстэнзэ эзизе ерто винтовканть, эзизе кадо огневой линиянь микранямодо мейлеяк, зярс наглой врагось эзь ульне панезь рубежень томбале. Варштадо комсомолецэнь-пограничникенть Волошко Захаронь лангс, кона вейсэ эинзэ ялгагнень марто кирдсь японской цела отрядонть эцема сешкас, зярс тов састь якстере бо-

ецтнэ ды советской моданть лангсто прочь панизь границань наглой нарушительтнень. Тревожной самой неть частнэст отважной пограничниктнэнь кармась улеме мелест совамс партиав. Ды вана сынш уш ВКП(б)-нь кандидатт.

Улевель бу а виде оймамс сетне комсомолецтнэнь ламокс-чист касоманть лангс, конат (комсомолецтнэ) меельс шкастонть примазь партиав. Конкретной задачатне, конат комсомолонть икеле аравтозь ВКП(б) нь Центральной Комитетэнь постановлениязо кувалт, топавтовить пек састо. Те толковави васняк сенсэ, што комсомольской руководящей роботниктне недооценивают партиань рядтнэс сех вадря комсомолецтнэнь вовлечениянь задачанть.

Тедаяк ламо, арась мелявтома мик седе, штобу парсте, видестэ организовамс партиас совамо бажиця комсомолецтнэнь рекомендациянь максоманть. Редакциясь нейгак получахны ламо сермат, конатнесэ автортне-комсомолецтнэ пенячить рекомендациянь максомадо заявлениянтень лангс комсомолонь зярый райкомтнэнь бюрократически бездушной ды обывательски трусливой отношениянь лангс. Кавто комсомолецт-железнодорожникт Сергей Левшенков ды Борис Шкундин справедливо мелсь а паросот сень кувалт, што комсомолонь брянской райкомось (Западной область) вана уш 10 ковт лезэвтеме сырси ванномс сынст энялдомаст рекомендациянь максомадо. Кемень ковт!

Волжкитась, комсомолецтнэнь заявлениянт лангс ответэнь кувать а максомась ашти аволь мезекскак лиякс, но комсомольской койкона роботниктнэнь обывательской самостраховкакс. Нама, тесэ мезеяк арась алкуксонь большевистской бдительностень кондымо.

Серматнэнь автортнэ видестэ кортыть, што „ильведемадо“ те пелемантень лезды се, што комсомольской руководителтне сезевезь низовой активент эйстэ. Вовлекать партианть рядтнэс, рекомандовать можна ансяк сень, кинь парсте содакак, кинь лангс пек кемат, кинень политически доверяешь. Массатнень марто, низовой активент марто руководителтнэнь эрва чинь связест апак кемекста а кода партиань рядтнэс комсомолецткак примамс.

Характерно, што партиав совамонтень райкомтнэнь рекомендуемой кругост пек теян. Неть обычно платной комсомольской роботникт, районной центранный учрежденианть служащейть, комитетнэнь башка секретарт. Можна евтамс ламо кемень райкомт, конат эсть максо рекомендацият станок эхштэ вейкеяк робочейтнень, вейкеяк од колхозникнэнь активистнэнь.

Истямо важной теветэнь само текось, кодамокс ашти партианть рядтнэс комсомолецтнэнь вовлечениясь, может пачтемс сех берянь последствияс. Партиас од члентнэнь примамо таго мерезь ВКП(б)-нь ЦК-сь предупреждал сень эйстэ, што враждебной элементнэ икеле пелегак кармить снартнеме эцеме ВКП(б) нь рядтнэс. Тень могут стувтнемс ансяк

политической ротозейтне. Астрахань ошонь комсомолонь Соломбальской райкомось максць рекомендацият судоремонтной заводсонть кавто активистнэненень. Ды вана зяро бути чинь ютазь сынст эйстэ вейкесь лангс таргазель прок народонь враг, омбоцесь жо комсомолсто панезь социальной происхождениязо сепоманть кис. Тесэ жо эриви меремс, што меельсэ ульнесь комсомолонь распущенной комитетэнь членэкс. Рекомендациясь, кона тензэ максозель, ульнесь пеле-пеп издевательской: „комсомолецэсь активной, но улит прянь шнамонь ды невыдержанностень элементт“. Документсэнь—райкомонь секретаренть Подоницынэнь подписезь.

Соломбальской райкомонь руководителтнэнь, конат максць рекомендацият эсист малавикс оятненень, семейно приятельской „добротась“ пек подозрительной. Сон мог бу эсь шкасто заинтересовать архангельской горкомонть, бути бу сон чаркодевлize политической эсь ответственностензэ партиав честной, политически проверязь комсомолецтнэнь вовлечениянь кис. Преступной истямом безответственностентень эриви тутомс пе, чумотнень жо кеместэ чумондомс. Комсомолсо роботыця эрва коммунистэнь священной обязанностезь, эрва комсомолецэнь священной обязанностезь—большевистской партианть рядтнэнь ванстомс враждебной ды разложивший элементнэнь, обывательтнэнь ды двурушниктнэнь, карьеристнэнь ды авантюристнэнь эцемаст эйстэ.

Рекомендациянтень максомсто эриви парсте ванкшномс комсомолецэнь весе качестванзо, а стувтнемс сеньгак, штобу содамс сонзэ морально-бытовой обликензаяк, содамс, способен ли сон ветямс решительной бороцямом пьянкатнень

каршо, сатышка ли сон кеме сень туртов, штобу туремс чуждой разлагающей влияниянь каршо.

Комсомолонь руководящей звеньятнэстэ народонь врагтнэнь аволь умок лангс таргамось комсомолецтнэнь эйс кастась покш негодования родинань предательтнэнь каршо, японо-немецкой фашизманть подлой кискатнэнь каршо. Комсомольской массатнэнь ютксо меельс шкастонть кармась улеме политической пек покш под'ем, бажамо мезеяк лангс апак вано седе курок минек союзонть рядтнэнь ды сонзэ руководящей органтиэнь ванькскавомс троцкистско-бухаринской ды буржуазно-националистической агентуратнэнь эйстэ. Врагтнэнь каршо ды сынст пособниктнэнь каршо бороцямосонть воспитываются ды кемелгадыть комсомольской активент од кадратне, конат преданнойть большевистской партианть ды сонзэ центральной комитетэнтень. Политически проверязь самой истят комсомолецт эриви вовлекать партианть рядтнэс.

Комсомолецэнь лицанзо алкуксонь проверямось, но аволь анкетной даннойтне ды скороспелой кружоктнэс улемась должны определять сэтнень, конатнень райкомтнэ рекомендуют, партиас совамонть туртов. Партиас кемиминек рекомендациянтнэненень, сех пек чутко ды внимательно ваны сетне ломантнень лангс, конат политической эрямост ушодызь комсомольской организациясо. Кияк не смеет злоупотреблять те покш кемемасонть. Комсомолсонть улитыщат ломанть, конат достойнойть честь марто кандтлемс ВКП(б)-нь членэнь почетной элемент. Сынст самой эривияк вовлекать большевиктнэнь весесоюзной коммунистической партианть рядтнэс.

(„Комсомольская правда“ газетанть икельсь статья).

Советской спортивной авиациянь пек вадря изнявксозо

Советской спортивной авиациясь сентябрьн 24-це чистэ тейсь пек вадря од изнявкс. Те чистэнь прядовь спортивной пассажирской „САМ—5—2 БИС“ шождыне самолетсо (конструкциясь Москалев инженерэнь) Москов—Красноярск маршрутканть апак валгоне ливтямось. Те ливтямосонть васень пилотокс ульнесь летчикесь-испытателесь А. Н. Гусаров, омбоцекс—старшей лейтенантось В. Л. Глебов.

Самолетось Московсто ливтясь 23-це чинь валске 8 чассто ды сентябрьн 24-це чистэ 3 чассто 59 минутсто благополучна пачкодсь

Красноярское. Самолетось ды летчиктнэ пек парсте кирдизь испытаниянь. Ливтямось прядозь седе курук, кода те ульнесь тешкстазь графиксэнь. 3513 километрань кувалмосо весе кись ливтязь 19 частнэнь 59 минутнэнь перть. Летчиктнэ Гусаров ды Глебов вельтизь те типень машинатнэнь туртов дальностень апак валгоне ливтямонь мировой рекордонть (Американской летчиктнэ Бук ды Беллингграф 1936 иень майстэ истямомов молиция машинасо апак валгоне ливтясть 3197,6 километрат).

(ТАСС).

Дерюгин ялгась кундась шпион

М-й соединениянь якстереармеецэсь—Дерюгин аштесь пост ланго. Апак учо ванстома объектнэнь малас появась аволь содавикс ломань. Дерюгин ялгась сонзэ ветице командованиянь распоряженияс. Проверямсто сонзэ кедьстэ мусть пеедь, спицкят ды керосин. Те ломанесь снартнэсь объектэнь

кирвастеме. Фактнэ кемекстызь, што те ломанесь фашистской шпион.

Дерюгин ялгась шпиононь кундамонть кис казезь ценной подаркасо ды сермадозь се частенть почетонь лаз лангс.

И. Агеев.

Баку ош.

Ваньксавтомс рабфаконь комсомольской организациянтъ

Мокшэрзянь рабфаксо (Саранск) сентябрюнь 19-це чистэ сазе 23-це чис ютавтозъ комсомольской промкс, косо толковазъ ВЛКСМ нь ЦК-нь 4-це пленумонть решениянтне.

Промксонтень весемезэ сакшность 96 комсомолецт ды сынъ малав весе кортасть прениясо. Промксось ютась виев критика марто ды таргазъ лангс комсомольской комитетэнтъ покш ильведксэнзэ ды асатыксэнзэ.

Промксонтъ лангс таргсезь истят факт, што Казейкин комсомолецэс комсомолецтнэнь ды аволь союзной од ломантнэнь ютксо ветясь контрреволюционной пропаганда, шнась народонь ярой врагтнэнь ды кирдсь контрреволюционной литература.

Рочин, кона случайна понгсь комсомол, ветясь антисоветской ды антипартийной робота, кеньгелесь колхозной од ломантнэнь лангс, промксонтъкак эсинзэ выступлениясонзо протаскивал вредной теориянт. Комсомольской организациянтъ кекшсь, што сон ульнесь судазь принудроботас. Промксось тейсь решения Казейкинэнь ды Рочинэнь панемс комсомолсто ды энялдсть рабфаконь дирекциянтъ икеле панемс сыст тонавтнемстэяк.

Афиногентов комсомолецэс нош-калгавтызе революционной бдительностензэ, сонзэ пингсгэ евтнэсть эрва кодат сволочт контрреволюционной цитатат ды сон кургонь автезь кунсолось весе тень. Теде башка содась, што Казейкин кирди троцкистской литература.

Баланцев—нулгодксысь ветясь контрреволюционной, националистической пропаганда, ды комсомолонь промксось а видестэ тейсь, што тень кис Баланцевнэнь яволявсь аныак выговор, сестэ, кода сонэнзэ арась тарка комсомоломь рядтнэсэ.

Курканин кортасть, што рабфаконь комсомольской организациясонть весе безобразиянтне мольсть комитетэнь икелень секретарентъ Зубковонь сельмензэ икеле, сон содась кой-кинъ контрреволюционной вылазкатнедеяк, но кекшсь эйсэст. Зубков содась седеяк, што Кучулова студенткась географиянь уроксо евтась контрреволюционной цитата, теде содась икелень директорось Куркин, кона ней сонсь лангс таргазъ прок народонь врагонь пособник, панезь партиясто ды роботастояк.

Зубков массово-разъяснительной ды политико-воспитательной робота эзь ветя, секс организациясонть ульнэсть истят безобразной факт: винадо симема, бытовой разложения ды лият. Нетъ истят фактнэ ульнэсть секс эщо, што Зубков прядо пильгс сюлмавозель Куркин марто, кона ветясь эсинзэ подлой роботанзо народонь ярой врагонть Вождаев марто.

ВЛКСМ-нь обкомось-жо Зубковонь кучизе секретарекс Рыбкинань комсомолонь райкомс.

Комсомолонь горкомось арсесь лездамс рабфаконь комсомольской организациянтень сень коряс, штобу те промксонтъ лангс таргсемс весе асатыктнэнь ды витемс сыст, лангс таргсемс народонь врагтнэнь ды сыст пособниктнэнь. Но горкомонь секретарентъ Макаров ялганть чумонзо кувалт рабфаконь организациянтень те промксонтъ ютавтомасонзо горкомось эзь максо кодамояк лезкс. Эрва чистэ тов кучиниль яла лия представитель ды весе сынъ мезеяк эсть тее.

Логинов.

Прядовсть Белорусской военной округонь маневратне

Виев ды кеме а изнявиця Якстере Армиясь

Сентябрюнь 24-це чистэ прядовсть Белорусской военной округонь войскактнэнь маневратне. Боень современной весе средстватне ульнэсть нолдазь тевс. Якстереармеецтнэ ды командиртнэ невтизь кеме Якстере Армиянтъ виевзэ ды а изнявикс-чинзэ.

Пехотинецтнэ ды артиллеристнэ, летчиктнэ ды танкистнэ, сапертнэ ды кавалеристнэ, конятне воодушевленной оборонань вечкевикс Наркомонтъ Советской Союзонь Маршалонтъ Ворошилов ялганть присутствиясо, честь марто макссь эсинек родинань безаветной ванстомань анок-чинтень боевой зачетонтъ.

Сентябрюнь 23-це чистэ исключительной мастерства марто ульнэсь теезь воздушной десантось. Десантонть валгоманзо мельгавансь Оборонань Народной Комиссарось Советской Союзонь Маршалось Ворошилов ялгась, Московской военной округонь войскактнэнь командующеесь Советской Союзонь Маршалось Буденный ялгась, Оборонань Наркомонтъ заместителесь 2-це рангонь командармась Алкснис ялгась, Белорусской военной округонь войскактнэнь командующеесь 1-нь рангонь командармась Белов ялгась ды БВО-нь военной советэнь члензэ 2-це рангонь армейской комиссарось Мезис ялгась.

...Парашютнэнь ашо куполтнэ вельтизь малав весе менелентъ. Моданть лангс певерить було ловонь пек покш хлопьят. Яла од ды од сядот парашютист валгить моданть лангс. Астувтовица ваном!

— Молодец! — мельс паросомерсь Народной Комиссарось. Сон атак лотксе ваны десантонть валгоманзо мельга.

— Ну, кода весе лац? — кевксни Ворошилов ялгась парашютистнэнь эйстэ вейкентъ, конась аныак валгсь моданть лангс.

— Весе, лац, Оборонань Народной Комиссар ялгай, — отвечае бо-

ецась ды капши командирэнтъ мельга.

Группантень, косо ашти Ворошилов ялгась, мольсь десантонь командирэсь Спирин майорось. Четкойстэ маряви сонзэ рапортозо: парашютной десантось, косо ульнэсть пулемет марто, связань средства марто, боеприпас марто ды продовольствия марто 2200 ломанть, валгсь парсте.

— В основном кирнявтсть вад-рясто, — корты округонь войскактнэнь командующеесь Белов ялгась.

— Аволь аныак в основном, но в частности, — мерсь Ворошилов ялгась. — Парсте, пек парсте!

Маневратнэнь меельсь чистэнтъ ульнэсь весе фронтанть пек покш «сражения». Кавонест енкстнэсэ примастъ участия механизированной пек покш частне.

Боецтнэ ды командиртнэ невтсть революционной сэрей бдительностень пример. Улить ламо факт, зярдо ульнэсть кундазь подозрительной ломанть, конатне, кода невтизе расследованиясь, врагт. Овси аволь умок, 2 чиде икеле, Н-ской стрелковой частьсэнтъ лейтенантось Козел ялгась кундась шпион. БВО-нь войскактнэнь командующеесь 1-нь рангонь командармась Белов ялгась бдительной командирэнтъ казизе тыща целокойсэ. Н-ской «артполконь» якстереармеецэс Тулин ялгась ульнэсь вирьсэ пост лангсо. Сон редизе пек любопытной «вирень» кериянтъ, кундызе сонзэ. «Вирень кериясь» оказался шпионкс. Гулин ялганть казизе частень командованиясь. Нетъ ды сыст кондят фактнэ кортыть седе, што минек славной боецтнэнь боевой сэрей мастерствась сочетается революционной пшти бдительностентъ марто.

(ТАСС).

ЛЕОНТЬЕВЕНЬ ВРАЖДЕБНОЙ ТЕВДЕНЗЭ

Чамзинкань район. Пянгийей велень «Большевик» колхозонь председателекс понгсь случайной ломань Леонтьев Г. А., кона враждебной, подлой тевсэнзэ калавты колхозонь тевтнэнь, колы вельхозартелень уставонтъ. Сон симдтнэсь винадо кой-кона колхозниктнэнь, штобу сонзэ аравтовлиз колхозонь председателекс ды штобу сонэнзэ седе шождыне улелель теэмс враждебной тевть ды наргамс честной колхозниктнэнь лангсо.

Леонтьев колхозниктнэнь вешемаст лангс отвечакины грубойстэ. Колхозниктнэнь вейсэнь промксось ульнэсь теезь решения: организовамс паксясо роботыця колхозниктнэнень общественной питания, но бути вешильть колхозниктне те решениянтъ тонавтеманзо, Леонтьев пижниль: «Молян Саранскоев ды раман тенк катлетат». Обществонной питания организовазъ арасель.

Леонтьев эзь топавте районной организациянтень указаниаст ды колхозниктнэнь решениянт, сон а вестъ кортнэсь, што «Мон монсь азор, мезе мелем — сень теян». Бутти жо колхозниктне невтильть кол-

хозсо асатыктнэнь, сон сень таркас, штобу витнемс нетъ асатыктнэнь, колхозниктнэнь лангс истяжо пижниль: «онгодо, вармась пу-ви».

Колхозонь ули-паронтъ Леонтьев емавтнэсь кода понгсь. А умок сон Карл Маркс лемсэ колхозонтень мийсь машинной частть 24 целоковонь питне, ярмактнэнь жо саинзе эстензэ. Леонтьев нетъ колхозниктнэнень, конат аштэсть сонзэ председателекс аравтоманзо кис, разрешил эстест ледемс колхозонь тикше. Вана Биськаев Р. Сп. колхозонь лугадо эстензэ ледсь 3 улавт тикше, Инсаркин Як. Е. ледсь вете улавт. Правлениянь заседаниясо ульнэсь мерезь, штобу саемс нетъ колхозниктнэнь пельде тикшентъ, но Леонтьев решениянтъ а топавти, тикшесь те шкас атак сае.

Леонтьевень подлой, враждебной тевдензэ, колхозниктне лангсо наргамодонзо, разложениядонзо соды Чамзинкань районной прокурорось, но кодаткак мерат эзь прима, Леонтьев те шкас яла кадозь колхозонь председателекс.

П.

Аволь благонадежной ломань

Саранскоень рабфаконь завучекс умок уш роботы кодамо бути Семенов Н. С. Ломанесь сон овси атак проверя ды эсинзэ картоць тевтне невтиць сонзэ подозрительноекс.

Семенов кувать роботась ды ульнэсь кеместэ сюлмазъ рабфаконь икелень директоронтъ Куркин марто, конась панезь партиясто народонь врагонть Вождаев марто сюлмавоманть кис. Семенов пек аштэсь сень кис, штобу Куркин кадоволь партияс. Бульчом сынъ пек сюлмавозельть эсь ютковаст.

Миненек содавить кодат подлой, нулгодксысь тевть тейнэсть народонь врагось Вождаев ды сонзэ выродкась Куркин. Но аволь седе аламо истят тевть тейнэсь Семенов-гак.

Семеновонь роботань излюбленной методокс ашти се, што сон кодамояк основаниявтомо явши рабфаконть прядомадо справкат сеть студентнэнень, конатне овси эзизь прядо рабфаконть, ды конатне рабфаксто ульнэсть панезь эрва кодамо тевень кис.

Истямо документ сон макссь сентябрюнь 10-це чистэ Нуичевнэнь, конась рабфаксто панезель растратань ды лия тевень кис.

Теде башка истямо жо документ сон макссь Баштакованень, конась рабфаксто панезь зярыя иеде икеле. Истямо докуменсь сон казсь аволь аламо ломанть.

Может ли теде мейле Семенов кадовомс рабфаксо завучекс роботантень? Нама, не может.

Комсомолец.

„Сы базарсто раматано“

Петров Ваня тонавтни Кенде велень средней школань VII-це классо. Сонзэ ули мелезэ тонавтнемс аныак отличносто, но те тензэ теэмс а савкшны. Оршамо ды карсема пелькстнэнь аразь-чинть кувалт сон седейстэ а якси мик школавгак, сон уроз, тетявтомо-ававтомо.

Колхозонь правлениясь ды вельсоветэсь сонзэ кис а мелявтыть. Ваня аволь вестъ якась тов лезкс мельга, аволь вестъ тосонь чиновниктнэ тензэ отвечакиность: «Ужо, аламос аштек, сы базарсто раматано».

Зярдо прядовить чаво валонь нетъ алтнематне? Зярдо Петров Ванянень ули максозь алкуксонь лезкс?

П. Русскин.

Од вийсэ кармась тонавтнемс

Кенде велень средней школань VI-це классонтъ тонавтницясь Щеглов Ваня тонавтнемань 1936-37 иентъ прядызе вадря отметка марто. Сон парсте ютавтызе каникуланть. Ванянензэ «Чапаев», «Мы из Кронштадта», «Дети капитана Гранта» кинокартинатнэнь, ловнось ламо художественной литература: Горькоень «Челкаш», Гоголень «Старосветские помещики» ды лият.

Ней од вийсэ кармась тонавтнемс VII-це классо.

П. Р.

Дубенкань район.

Нарьги тонавтницятненъ лангсо

Покш Березникень район. Семилейкань начальной школань учителесь Маршиков К. Д. сень таркас, штобу кепедемс тонавтницятне ютксо успеваемостенть, штобу организовам тонавтницятне ютксо воспитательной роботанть, сонь нарьги тонавтницятне лангсо, чави эйсест прят ланга кийгасо ды ляссо, мезе понги кендэнэ малав.

Тедэ башка, Маршиков школасо тонавтницятненъ, конат сонзэ а чаркодить, кройси виськс валсо, путни тенст прозвищат. Примеркс, Горюнов Колянень мери „болван“, Леушина Любанень — „езнэ (гуй)“, 1-це классо тонавтницятненъ Терехин Колянень мери „самовар“ ды лият. Истямю грубой отношенианть ды нарьгамонь кувалт кой-кона тонавтницятне а яксит 2—3 чить школав.

Юнкор.

Редакциянт пельде. Минь кемдяно, што Березникень район ОНО сь нейке жо прими эрвикс мерат материалсонть евтазь фактненъ коряс.

Клубонь помещениянтъ миизе зарплатакс

Козловкань район. Ташто Жабина велесэ ульнесэ клубонь помещения, косо можаль тейнемс постановкат, промкст, ветямс культурно-массовой робота.

Школанть помещенианть вишкине, тонавтыть кавто сменасо. Клубонь помещенианть можна улелеть теемс школакск (те помещенианть седе икеле ульнесэ уш теезь школак). Но вельсоветенъ председателесь Тюръгашкин клубонь те помещенианть миизе Козловкань райисполкомс 2000 целковиде районной роботникненъ квартиракс. Неть ярмактненъ Тюръгашкин саизе эстенз зарплатакс.

Коде кевкстизь Тюръгашкинень колхозниктне — „мекс миик помещенианть“, сон отвечась, што „сакшинос ВКП(б)-нь райкомонь секретаресь Тимошкин ды мерсь, што бути а мисынк — сайсынек стяко“.

М. Жар.

ЛОВНЫЦЯНЬ СЕРМА

„Ленинэнь киява“ газетасонть уш сермадозель, што советской писательтненъ союзонь членкс Артур моро понгсь случайно. Те виде.

Артур Моро сермадсь аволь трудницятненъ, но народонь врагтненъ лезэс, конат ветясть эсист нулгодьксэв тевест. Тедэ башка, эсинзэ васень сборникензэ казизе народонь врагонтень Чесноковненъ.

Артур Моронь ламо стихензэ аштит минек эрмонть лангс кенгелямокс. Примеркс, „Пекшенъ дудкине“ стихсэнзэ сон беднойтненъ кармавты мирямо скупавтненъ марто, Артур Моро а терди кулактненъ каршо борожань. Стихстэнт лиси, што беднойтненъ эрви покоритьсэ скупавтненъ. Седеяк пресловутойкс ашти Артур Моронь „Каль“ стихотворениязо. Тесэ Артур Моро снартнесь нусманькс, потмуракс невтемс минек уцяскав ды весела эрмонть. Весенень весела, весе кенярдыть эрмонть, Артур Моро жо кармав-

ты ризнамо, авардеме, прянь нолдамо. Ежовсто теезь стихесь, позтэсь бую аварди аванзо кис. Но бути истя улелеть, кадык сон авардевелъ эсканзо, мейсь бу те стихесь нолдамс печатсь. Веде ловныцятне маштыть стихтненъ чаркодеме ды „Каль“ стихесь аволь мезеяк лия, но сехте нахальной кенгелямо паро эрмонок лангс. Паряк Артур Моронь мельсь апаро секс, што минек эрмонос пек паро?

Артур Моро произведенийт сермады аволь истят, конат бу невтевелеть уцяскав эрмонок, максовольте лезэ трудницятненъ, но сонзэ стихтненъ успех марто могут тевс нолдамс весе врагтне советской властенъ каршо подлой роботасост.

Артур моронень а тарка улемс советской писательтненъ союзонь членкс.

Мих. Елисейкин.

Ташто Ардатова веле, Ардатовань район.

АРТУР МОРОДО

Газетсэ сермадозель уш, што Мокшэрзянь советской писательтненъ союзонть правлениясь писателень союзонь членкс примсесь народонь врагт ды истят, конат недостойнойт улемс советской писательтненъ союзонть членкс. Меельцетненъ юткс эрви ловомс Артур Мороньгак.

Артур Моро зыь сермадо истят парт произведенийт, конатненъ улелеть бу лезэст минек „масторонь трудницятненъ. Тень таркас сон нолдтнесь зыянов стихт ды лият. Сех ламо сермадовксонзо

сон ансяк шнась ялясь прынзо. Мезекс истят стихтне ловныцятненъ? Сынъ киненьгак а эрвить. Ламо стихензэ аштит минек эрмонть лангс кенгелямокс, кой-ко-натнесэ жо сон протаскивает зыянов идеят.

Минь, ловныцятне кемдяно, што Мокшэрзянь писательтненъ союзонь правлениясь нейке жо вансы Артур Мородо вопросонть ды сонзэ а кадсы советской писательтненъ союзонь членкс.

И. Н. Зайкин.

Дубенкань район, Сайно веле.

ОРГАНИЗАЦИЯ, КОСО КОДАМОЯК РОБОТА АРАСЬ

Ташто Ардатова велень комсомольской организациясь, косо комсоргокс роботы Авдеев, овси кодамояк робота а вети.

Политзанятиянь кружокос а роботы. Вестьяк арасель ютавозь комсомольской промкс аволь союзнной од ломантненъ марто,

Колхозниктне ютксо вестьяк газет ды журналт а ловнокшныть.

А.

Тонавтницятненъ обязательстваст

Хлыстовка велень аволь полной средней школанть тонавтницятне, эсь ютковаст тейсть социалистической пелькстамонь договорт ды сайсть обязательстваст, штобу тонавтемс отличност, лездеамс колхозсо массово-разъяснительной роботань ютавомасонть ды лездеамс сермас а содыця колхозниктненъ тонавтомасонть.

Кузнецов.

Чамзинкань район.

Арась ответственность комсомольской хозяйстванть кисэ

Кабай велень средней школань комсомольской организациясь сентябрия 18-це чистэ тейнесэ промкс. Ванозель вопрос комсомольской хозяйстванть состояниадо.

Промксось ливтизе лангс, што комсомолонь комитетэнъ секретаресь Инжеваткин кодамояк ответственность а канды комсомольской хозяйстванть кисэ. Вейкеяк комсомолец лангс арась учетной карточка секс, што сынст парткабинетсэ поризь крысатне. Комсомольской хозяйствасонть арась кодамояк порядка, а муевить кодаткак тевть.

Промксось мерсь, штобу нейке жо парсте аравтомс комсомольской хозяйстванть.

Ярославкин.

Дубенкань район.

Молить ине родинанть ванстомо

Кендя велень 1915—1916-це иетнестэ шачовт гражданти сентябрия 15-це чистэ ульнесэ призывной комиссиясо. Комиссиянт ютасть 17 призывникт, конатненъ ютксо примаст Якстере Армияв 15 ломанть.

Сынъ покш мельсэ молить Советской масторонть границанзо ванстомо.

Сыркин.

Дубенкань р-н.

Анокстыть кочкамотненень

Константиновка велень партийной организациясь колхозниктненъ толковизе „СССР-нь Верховной советс кочкамотнеде положенианть“. Кочкамотненень анокстамось моли вадрясто. Велень советсь тейсь избирательной комиссия, анокстынзе избирательной спискатненъ ды кочкась вадря помещениа.

Ананьин

Ромодановань р-н.

Следователень запискасто*)

Литературадо доклад

Научно-исследовательской вейке институтс научной сотрудникс роботамо сась од химик Галевин, кона аволь умок прядсь вуз, национальностень коряс поляк. Сон курок эсь прынзо невтевелеть вадря роботникекс, смелой экспериментаторокс.

Те ульнесэ развитой, но аламо замкнутой ломань, сон сермадил стихт ды рисовиль. Институтонть общественной эрамосонзо активнот участианть Галевин эсь примсэ, но кой-зардо сермадсь стеной газетас, печатась товонь эсинзэ аволь эрва зардо чаркодевикс, но звучной стихензэ ды мзый рисунканзо. Сонзэ чуросто нехшизъ кочпаниясто. Содасть, што сон эри скамонзо, ламо ловны, кувать аштекшны лабораториясо.

Институтсо роботамо аволь пек ламо ковтаде мейле Галевин ульнесэ премировазь. Институтонь комсомольской организациясь заинтересовалась сонзэ эйсэ. Галевинень кармасть тердтнеманзо комсомольской пажозь промкстванень. Сон обычно сакшинос, парсте кунсолоньшось весень, меде ульнесэ кортазь, но

сонсь зардожк эсь кортне, эсь прынзо кирдсь ве ено.

Ютась эно зардо бути шка. Коллективень комсоргокс, Галевинень литературной увлечениянзо содазь, тензэ мерсь теемс литературадонть доклад од ломанень вейсень промксос. Комсоргокс учось отказомо, анокстась убеждать докладчикенть, но... Галевин курок ды покш миль марто согласась.

Те ульнесэ странной доклад. Од ломантне эсть маря сынст содавикс писательтненъ лемест. Галевин покш мильсэ цитировась Гумелев контрреволюционереанть стихензэ, кортась Ницшеде. Ницшеанской „сверх-человек“ идеянт невтемань кис Галевин примеркс евтисе английской контрразведкань знаменитой подковникенть Лоуренсенъ.

Сех ламо кунсолыцятненъ мильсэ докладось эсь тус. Кой-кона активистне ацерьгадовъ капсать лавтовост, являвтесть, што докладось тапарязь, аволь виде. Истят замечаниянтненъ комсоргокс эсь снартнеяк кунсолонь, но сон яля теке оякс кортась Галевинненъ.

— Мекс жо тон Маяковскойде мезеяк эвить ева?.. Пушкинде аламо аламо... Но паро, ала теке докладось дельной.

Тон, оказывается, литературасонть тонкой спец.

Ульнесэ истяткак, конатненъ мильсэ докладось тус. Ниле вете ломанть кенярдожъ цяпастъ Галевинненъ. Кевккнесть, косто можна умемс литература, конадо сон кортась, сонзэ марто вейсэ лиснесть институтсонть.

Ней Галевин чуросто ульнесэ скамонзо. Сон мусь оят, конатне видекс ловсть сонзэ мильтненъ, сонзэ симпатиянзо. Группась сеедьстэ пурнавкшнос сонзэ бую литературной те эли тона произведенийтненъ ванноманть туртов. Институтсо сынст шутасо мернесэ „литературной профессорт“. Кияк парсте эсь сода, мейсь тейнитъ, мейсэ занимаютсэ неть од ломантне. Тенсэ не интересовался комсомольской организацияськак.

Но аволь весе ульнесэ истя беспечнойт. Од ломантненъ ютксо, конатне кунсолызь Галевинненъ докладонзо, ульнесэ комсомолец Н., конась роботы лаборантокс.

Н. пейль, што Галевин пек внимательнойтэ бажы содамс научно-исследовательской роботань рабочей дневниктненъ, конатненъ арасельте кодаткак отношениа сона тематненъ. Сон нейсь, кода внешне безразличной Галевинэсь пек бажась содамс оборонной важнейшей роботанень, конатне ютавтневильте институтонь лабораториянтнесэ.

Галевинэнь поведениасо зярля лия факт ульнесэ сонензэ истя жо подоврительнойкс. Но весе те вешсь пек вадря проверка, икеле-целей вдумчивой ды осторожной наблюдения. Н. ялгась евтнинзэ эсинзэ подозрениянзо партийной организациянтненъ. Промксонть Галевинненъ докладово убедил Н.-нь, што те — враг, конась тейсь смелой вылазка истямю цель марто, штобу лангс таргамс настроениянтненъ, содамс, кие лангс можна кемемс. Ды Н тусь врагонтъ каршо.

Штобу чавомс врагонтъ, эрви сонзэ содамс. Те правиланть парсте чаркодизе грамотной ды бдительной комсомолецесь. Сон нейсь, кода Галевин бажы теевемс мартонзо малавиксакс. Сынст вастневемне ды кортнемактне кармасть тейтееме яла седе сеедьстэ. Куроксто Галевин сонзэ тердизе эстензэ. Н. комсомолецась кармасть сеедьстэ яксеме Галевинненъ квартирас.

Кортнемактне тосо алкукс ушодовсть литературасонть. Галевин ежовсто ветьсэ эсинзэ линиянзо. Сон кружоконтень мерсь ванномс Достоевскоень „Преступление и наказание“ сермадовксонзо. Галевин мавыйстэ кортась Раскольниковонь драваниядонзо, седе, што Раскольников туртов эсь прянь маштомась ульнесэ аволь самоцелекс, но эсинзэ вийт.

(Пезэ 4-це страницасо)

*) Икекенъ статьянтненъ вант „Ленинэнь киявасто“ истят номертнесэ: 99, 104, 106, 107.

Тердян соцпелкстамо

Мон, Агеев Иван, служан Якстере армиясо зводонь командирэкс. Аволь умок получиень „Ленинэнь киява“ газета, косо ульнесь печатазь монь вишка братонть заметказо. Заметкасонть сермадозь, кода братом вадра отметка марто прядызе 1936—1937-це тонавтнема иенть.

Мон, покш братозо, тердян сонзэ соцпелкстамо. Мон максанвал:

А получаюс вейкеяк замечания командованиянть пельде.

Вадрасто тонавтнемс „СССР-нь Верховной советс кочкамотнеде Положениянть“.

Тонавтнемс весе дисциплина-нень отлична конань максы коман-дованиясь.

Толковаюс „СССР-нь Верховной советс кочкамотнеде Положениянть“ робочейтнень ютксо.

Истяжо парсте тонавтнеме, дисциплинированнойкс ды активнойкс улеме тердян братомгак.

И. Агеев.

Кочнасть од пионер вожатойть

Дубенкань район. Кенде велень первичной комсомольской организациясь сентябрю 13-це чистэ ютавтсь промкс, косо толковазель вопрос пионертиень ютксо роботадонть.

Лангс ливтезь се, што кизень каникуланть перть пионертиень ютксо арасель кодамоак культурно-воспитательной робота. Пионерти-нэ шкаст ютавтнись аволь органи-зованно, но кинень кода понгсь.

Промксось ве мельсэ пионер вожатойкс кочкинзе А. Жарковань ды Ив. Левушкинэнь.

П. Рускин.

Литературадо доклад (Пезэ)

нень проверяюкс, „смогу ли мон?“ вопро-сонть лангс ответькс. Галевин восхи-щался Раскольниковонь поступкасонзо.

Галевин невтнесь литературастонть зя-рря истят примерт. Сон эрва зярдэ нравственно растлевал политически аволь кеме, шаткой од ломантнень, конатне пурнасть сонзэ перька.

Но Галевинэнь кедьсэ чокшветне уль-несь алтнесь аволь ансяк литературан-тень. Лиясто литературной чокшветнень таркас ульнесь теезь позда вес картасо азартной налксемат, лиясто Галевин мер-несь кунсолонь пошлой морыне марто граничань томбалде „ансяк получаць“ сонзэ пластинкатнень.

Шкась мольсь. Галевинэнь кедьсэ васт-невица участикти макссть вейкест-вей-кест туртов обещаниян ванстамс тайнасо весе сень, мезе мольсь промкстнэсэ. Со-невзэ преданной од ломанень группанть истямо ладсо кемекстазь, Галевин кармась ветямо прямой контрреволюционной аги-тация. Агитациясь кармась улеме яла седеяк конкретнойкс.

Галевин уш кортась бороцямонь метод-тизде. „Держать“, проверякшномс эсиль-вийтнень вешемась. Ежовсто сюлмавкш-ность контрреволюционной заданиянть марто.

Испаниясо фронтнэва

Чи лисема (арагонской) фрон-тонь республиканской войска-тне сентябрю 22-це чистэ ютасть на-ступленияс Хака ошонь районсонть ды вейке чис эцест икелев 12 ки-лометрас, занясть зяряя велеть ды пандонь высотат. Наступлениянть виевгавтозь, республиканецтнэ сентябрю 23-це чистэ занизь Бис-кас ды Эскуэр населенной пункт-нэнь, конатне аштить Хаканть эй-стэ чи лисема ено. Республика-нецтнэ сайсть 150 пленнойть, 4 орудият, 8 пулеметт ды 150 вин-товкат.

Центральной (мадридской) фронтсонть сентябрю 22-це чи-стэ республиканской артиллериясь 5 часонь перть леднизе Теледо

ошсонть оружейной заводонть, тейсь тосо разрушеният. Ульнесь нолдазь малав 1000 снарядт. Ма-дридской фронтсо мятежникинь вийтнень командующесь Варела генералось снарядонь сезевеманть эйстэ получаць 3 ранат, конатнень эйстэ вейкесь стака.

Северной фронтсонть мо-лить пек виев бойть Арена-де Кабре-лее велень районсонть, Хихонасто чи валгома ено (Бискайской зали-вень берексонть покш порт). Фрон-тонь Южной участкасонть прави-тельственной войска-тне пек виев контратакасо занизь 1562-высо-танть, нелгсть пек ламо виновкат ды снаряженият. Республиканецтнэ правтсь фашистской 3 самолетт.

Северной Китайсэ

Северной Китайсэ секте покш бойть ней мо-лить Бейпин-Хань-коуской кшнинь кинть кувалма, Хэбэй провинциясонть, Баогин ошонь районсонть. Японецтнэ кемекстыть, што сынст войска-тне сентябрю 14-це чистэ занизь ошонь вейке пельксэнь. Баоди-нэнь северной пельксэнь китаец-тнэ правтсь японской 2 самолетт. Японской сообщениянтьнень коряс, японской войска-тне, конатне дей-ствуют Шаньси провинциясонть, занизь Кучуань-Чженьсэ угольной пек покш копитнень, конатне мак-сыть Китайсэ весе уголиянь тар-гамостонть 30 процентт ды 50 процентт Северной Китайсэ.

Китайской войска-тне, конатне мо-лить Бейпин-Суйюань кшнинь кинть кувалт, сентябрю 21-це чистэ занизь Пиньдицюань ташто ошонть, ко-на ульнесь японецтнэнь кедьсэ. Мо-лить виев бойть.

Северной Китайсэ японецтнэ те-шкас бажасть те-мс успехт, бе-ряньстэ вооруженной китайской частне марто вастневезь, конат-нень эйстэ секте ламотне пурназь таркань эрицтнэстэ. Китайской войска-тнень сопротивлениаст, на-ма, пек касы, зярдэ сын тевс нолдасысь самолетнэнь, танкатнень, ды стака артиллериянть.

(ТАСС).

Китайсэ японской варварстватнень каршо

Лондонсто кулятнень коряс, ан-глийской общественной мнениясь возбуденной неть сообщениян-де, конат кортыть Кантононть лангс налетсонть японской импе-риализманть зверстватнеде.

„Кантононть лангс японской на-летось, не-вти „Дейли Телеграф“ газетась, эзь ульнесь военной опе-рациякс, но ульнесь коштстонть апак жалья маштнемакс“. „Дейли Экспрес“ газетась сермады, што

цивилизованной мирэсь должен улемс устыжен кантонской ужас-нэсэ, конат ламодо седе покш Герниксэ ужастнэде (Герникась—Испаниясо Басктнэнь масторонть кезэрень пингень столицась, ко-нань тапизь германской интервен-тиэ)“.

Англиань коммунистической пар-тиясь кучсь тредь-юнионтиень (Ан-глиань профсоюзтиень централь-ной руководящей органось) гене-ральной советэнтень ды лейбори-стской партиянь исполнительный комитетэнтень серма, конасонть яволявты, што Нанкинэнь ды Кантононть лангс японской авиаци-ань варварской каявомась встре-вожил весе мирэнь ды веши при-мамс седе курук мерат икеле пе-лев таго истят преступлениянень а нолдамо туртов.

Сентябрю 23-це чистэ Лондон-со японской посольствань здани-анть икеле ульнесь ютавтозь Ки-тайсэ японской авиациянь варвар-ской действиянень каршо протес-тэнь демонстрация. Посольствань зданианть икельга демонстраци-анть ютамсто кайсетецть вай-гельть: „Прочь Китайсэ японской маштництнэнь!“; „Санки Китайсэ тынк бомбовозтнэнь!“ Демонстра-циянть пансизе полициясь. По-сольствань зданианть вансты спе-циальной отряд.

(ТАСС).

Од ломантнень ютксо робота а ветить

Саравскоень фельдшерско-аку-шерской школосо ламо тонавтни-цят—од ломанть, конатнень ули мелест комсомолс совамо. Но ком-сомольской комитетэсь од ломан-тнень ютксо кодамоак робота а ве-ти, ай-аноксты од ломантнень ком-сомолс совамо. Комитетэнь секре-таресь Лямкин М. М. кодамоак

КИТАЙСКОЙ ОШТНЭНЬ ВАРВАРСКОЙ БОМБАРДИРОВ- КАСЬ

Японской интервенцинь авиа-циясь нейгак яла тейни варварской налетт китайской оштнэнь лангс. Кантонсо (Южной Китаень покш ош) сентябрю 22-це ды 23-це читнестэ японской воздушной бом-бардировкасонть маштозь малав 3.500 ломанть. Бомбардировкань жертвакс аштить ансяк мирной эрицят. Государственной вейкеяк здания эли военной постройка эсть поню. Но ошонть весе пельксэсь, косо эрить беднякт, вельтязь бом-бань взрывтнэсэ. Сядот эйкакшт якить ульцятнева, вешнить эсиг-тетаст аваст.

Сентябрю 24-це чистэ япон-ской 6 самолетт бомбардировизь Ханькоунть—центральной Китайсэ промышленной покш ош, косо ловновить омбоце пель миллионт эрицят. 100 ломанть маштозь ды 200 ранязь.

МЕКС АРАСЬ ПИОНЕРСКОЙ ОТРЯД

Чамзинкань р-н. Пянгилай ве-лень начальной школосонть то-навтницятнеде 120 эйкакшт. Ла-мотне сынст эйстэ бажить улемс пионерэкс.

Но те шкас школань заведую-щесыкак, комсомольской комите-тэськак а ловить эрвиксэкс сень, штобу организовамс пионерской отряд.

В. М.

Кодамо книгань коряс тонавтнемс

Ней ламо книгат, учебникт изъ-тойть. Тонавтницятне а содыть, кодамо учебникень коряс эрви тонавтнемс.

Дубенкань средней школосо то-навтницятне учительтнень кевкс-нить: можна ли тонавтнемс Шапи-ронь грамматиканть коряс. Ответ-нэ эрсить эрва кодат: веенстиэ мерить можна, омбонстиэ мерить те книгась изътой. Кинень кемемс—ки соды кода.

Седеяк беряньстэ ашти тевесь эрзянь келенть ды литературанть тонавтнемаст коряс. Тесэ тевс нол-дтневить весе, мезе понги, мик народонь врагтнэнь стряпнясткак.

Монь койсэ МАССР-нь Нарком-просонть ды РОНО-тненень эр-ви школатнес максомс списка, ко-натнесэ улезэ евтазь весе се ли-тературась, конаньсэ а эрви поль-зоваться.

А. Тюкин.

Дубенкань район.

Шкань ответ. редакторось
Д. АДУШКИН.